



# Farg'ona haqiqati

Ijtimoiy-siyosiy, ma'naviy-ma'rifiy gazeta

<http://farhaqiqat.uz/> [t.me/farhaqiqati](https://t.me/farhaqiqati)

## ИНВЕСТИЦИОН ЛОЙИХАЛАР БЎЙИЧА КЕЛИШУВЛАРГА ЭРИШИЛДИ

Фарғона вилояти ҳоқими бошчилигидаги вилоят расмийлари ҳамда ишбилармонларидан иборат делегация амалий ташриф билан Туркия ва Хитойда бўлди.



Тўғридан-тўғри ҳудудлараро ҳамкорлик алоқаларини кенгайтириш, хориж инвестициясини ва янги истиқболли лойиҳаларни вилоятимизга жалб этиш, турли соҳалардаги икки томон учун ҳам манфаатли алоқаларни янада мустаҳкамлаш, экспорт кўламини ошириш каби мақсадларни қамраб олган ташриф давомида вилоят ҳоқими ва делегация аъзолари Туркиянинг "Akkol catering group", "Dansuk mühendislik", "Gürmak Demiryolu", "Tek enerji", "BT Tarım", "Oghma international eğitim", "Pimek tekstil", "KC kimya AŞ", "Gul production" каби компаниялар ҳамда тиббиёт мажмуалари раҳбарлари билан учрашдилар.

Музокараларда Фарғона вилояти-да кейтеринг ва аутсорсинг усулида сифатли овқатланиш тизимини жорий қилиш, металлургия, автомобилсозлик, тиббиёт, рақамли таълим, мебелсозлик, гидроэнергетика соҳаларини ривожлантириш инвестицион лойиҳалари бўйича дастлабки келишувларга эришилди. Ақлли технологияларга асосланган, гидроника усулида экологик тоза қишлоқ хўжалиги маҳсулотлари ишлаб чиқариш мажмуаси барпо этиш, халқаро сертификатларга эга касбий таълим, тўқимачилик, гиламчилик, туризм, темир йўл, медиа соҳаларида ҳамкорлик истиқболлари муҳокама қилинди. Вилоят шифокорлари ва ҳамшираларнинг Туркиянинг нуфузли клиникаларида малака оширишини йўлга қўйишга келишилди.

Шунингдек, кўп қаватли бинолар учун HVAC (иситиш, вентиляция ва кондициялаш) тизимларини лойиҳалаш, маҳаллийлаштирилган усулда ишлаб чиқариш ҳамда ўрнатиш имкониятлари муҳокама қилинди. Туркия ёш ишбилармонлари уюшмасининг Ўзбекистонда ваколатхонасини очиш ҳамда ёш истеъдодли футболчиларни аниқлаш ва тайёрлашда "Бешиктош" футбол клуби билан ҳамкорлик қилиш белгиланди.

**Фарғона вилояти делегациясининг Хитой Халқ Республикасига амалий ташрифи тафсилотлари газетанинг келгуси сонида чоп этилади.**

**(Фарғона вилояти ҳоқимлиги Ахборот хизмати хабарлари асосида тайёрланди).**

## Ижодий сафар



## ЎЗБЕКИСТОН – ХИТОЙ: бугунги асрнинг бахти ўтган асрларда қурилган

Хитой Халқ Республикасининг Ўзбекистондаги элчихонаси ташаббуси билан ўзбекистонлик бир гуруҳ оммавий ахборот воситалари ходимлари бугунги кунда жаҳоннинг қудратли давлатига айланган, улкан илмий-технологик ва инновацион тараққиётга эришган, иқтисодий ривожлантириш ва мустаҳкамлашнинг ўзига хос тизими яратилган мамлакатнинг Гуандун провинциясида бўлиб қайтидилар.

Провинциянинг Гуанчжоу шаҳри ва унинг туманлари ҳамда Чжухай, Шэньчжэнь, Пекин шаҳарларида ташкил этилган пресс-тур доирасида ва мароқли саёҳатлар давомида мамлакатимиз журналистлари йирик ишлаб чиқариш компаниялари, автомобиль заводлари, инновацион sanoat зоналари, порт терминали, логистика, божхона, молия марказлари, савдо платформаси, медиа концернлар, сунъий ороллар, Янган-Чжухай-Аомэнь кўприги, Шэньчжэнь ислоҳот ва очиклик кўргазма маркази, ўлкашунослик музейи, экотуризм масканлари, туризм қишлоқлари, императорлар саройи, Буюк Хитой девори каби тарихий жойларда бўлдилар, замонавий техника ва нанотехнологиялар асосида фаолият олиб бораётган ишлаб чиқариш жараёнлари билан яқиндан танишдилар, ҳамкасблар билан самимий мулоқотда

бўлиб, ўзаро тажриба алмашдилар. Шунингдек, Гуандун провинцияси ва Шэньчжэнь шаҳри ҳукуматлари ташки ишлар концелариялари томонидан ташкил этилган қабул маросимларида иштирок этдилар.

Тан олиш керак, Ўзбекистон ва Хитой давлатлари ўртасидаги дипломатик муносабатнинг 30 йилдан ортиқ даври мобайнида томонлар ўртасида ўзаро ишонч, дўстлик ва қадриятлар мустаҳкам шаклланиб улгурди. Айниқса, кейинги йилларда Осиёнинг икки мамлакати стратегик масалаларда бир-бирини қўллаб-қувватлаб келаётган иттифоқчиларга айланди. Давлат раҳбарларининг мунтазам учрашувлари ҳамкорликнинг янада кенгайиб, мустаҳкамлашиб бориши учун муҳим омил бўлиб хизмат қилмоқда.

5 бет

## ҚУРБОН ҲАЙИТИ муборак, азиз юртдошлар!



Убайдуллоҳ АБДУЛЛАЕВ,  
Фарғона вилояти бош имом-хатиби

Аллоҳга шукурлар бўлсинки, шундай фазилатли кунларга ҳам етказди. Биз айни дамда зулҳижжа ойини қарши олганмиз, бу ой ҳижрий сананинг сўнгги ойи, унда кўп яхшиликлар мужассам, Ислом оламининг икки байрамидан бири Қурбон ҳайити ҳам ушбу ойда нишонланади. Бу ойда динимиздаги буюк ибодат – Ҳаж амали адо этилади, мўминлар Аллоҳнинг ризолигини истаб қурбонликлар қиладилар.

3 бет



Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги вилоят бошқармаси бошлиғи лавозимида ишлаб келган Ҳалимбеков Иброҳимжон Турсунович вилоят телерадиокомпанияси директори этиб тайинланди.

Иброҳимжон Ҳалимбеков 1973 йилда Фарғона шаҳрида туғилган. Меҳнат фаолиятини 1995 йилда

## ТАЙИНЛОВ

"Фарғона ҳақиқати" газетаси тахририятида бошлаган. 1997-2012 йиллар давомида Фарғона ва Андижон вилоятлари телерадиокомпанияларида, 2012-2022 йилларда соҳанинг республика ва вилоятдаги турли идораларида раҳбарлик вазифаларида хизмат қилган.



## "МОЧАЛКА" ДАН БОЙИГАН БАҒДОДЛИКЛАР

2 бет

Ҳар бир жойнинг ўзига хос маҳсулоти бўлади. Олтиариқ бодринг-у, узуми билан танилган. Бешариқ қуруқ мевалари, ўрикзорлари билан. Бувайда анжирзорларида бўлганмисиз? Жоннинг роҳати.

## УЛАРНИ ШИФОКОР ДЕЙИШ МУМКИНМИ?

АЙТСАМ ТИЛИМ, АЙТМАСАМ ДИЛИМ...

Ўхшасанми, Қува туманида она ва бола ўлимига нима сабаб бўлганди?

Сўнгги вақтларда Қува туманининг туғуруқ бўлимида юз берган шов-шувли воқеа тасвирланган видеолар билан бирмунча кўпайди. Ижтимоий тармоқлардаги турли муносабатларга ойдинлик киритиш мақсадида туман тиббиёт бирлашмаси раҳбарининг даволаш ишлари бўйича ўринбосари вазифасини вақтинча бажарувчи Равшанжон Исақов билан суҳбатда бўлдик.

2 бет





## ҚУРБОН ҲАЙИТИ муборак, азиз юртдошлар!

Жобир розияллоху анхудан ривоят қилинган ҳадисда Расулulloх соллаллоху алайҳи васаллам: "Дунё кунларининг энг афзали ўн кунлик (яъни, зулҳижжанинги ўн кун)дир" (Имом Баззор ривояти) деганлар.

Уламолар ҳатто Рамазоннинг охириги ўн кунни афзалми ё зулҳижжанинги ўн кунни афзалми, деган масалада баҳс ҳам қилишган. Бу борада Зулҳижжанинги аввалги ўн кунининг кундузлари, Рамазон ойининг эса охириги ўн кунининг кечалари афзал, дейишган.

Ибн Аббос розияллоху анхумодан ривоят қилинади. Расулulloх соллаллоху алайҳи васаллам: "Аллоҳ таоло наздида бирор кун ва у кунларда қилинган амал ушбу ўн кундаги амалдан афзал бўлмас. Бас, бу кунларда таҳлил ва тақбирни кўпайтиришлар. Чунки, бу таҳлил, тақбир ва Аллоҳнинг зикр қилиш кунларидир. Бу кунларда бир кунлик рўза бир йилги рўзага баробар бўлади. Бу кунларда қилинган бир амалга етти юз баробар (ажр) кўпайтириб берилади", дедилар (Имом Байҳақий ривоят қилган).

Арафа кунини ҳаж амалларини адо қилаётган (бўлажак) ҳожилар Арафот майдонида тоату ибодат, дуою илтижолар билан машғул бўладилар. Арафа кунини тутилган рўза ҳақида Пайғамбаримиз соллаллоху алайҳи васаллам: "Арафа кунининг рўзаси ўзидан аввалги бир йил ва ўзидан кейинги бир йилнинг гуноҳларига каффорат бўлишини Аллоҳдан умид қиламан", деганлар (Имом Муслим ривояти).

Зулҳижжанинги ўнинчи кунини – ийд ал-Адҳо, яъни Қурбон Ҳайити кунини! Ҳайит хурсандчилик байрами. Унда ота-она ва аҳли оила, фарзандларни ширин сўз ва ҳадиёлар билан қувонтириш, шунингдек, кексаларни, заиф ва бетобларни зиёрат қилиб, ҳолидан хабар олиш, совғалар улаштиш каби қалбларга сурур бағишлаш динимизда мақталган амаллардан.

Қурбон Ҳайити – мусулмонларнинг шоду хуррамлик, кўнгли олиш, меҳр-оқибат, хайр-саховат кўрсатиш, бир-бири билан дийдорлашу байрамидир. Уни шарият талабларига мувофиқ, хушқайфиятда ўтказиш мақталган амаллардан.

Ҳайит байрами кунини бирор сабабга кўра араزلанган, гина-қудуратли таниш-билишлар



ҳам бир-бирига кучоқ очса, ўзаро узр сўрасалар, мақсадга мувофиқ бўлади. Чунки кечиримли ва меҳр-шафқатли бўлиш ҳар бир мусулмон учун ҳам қарз, ҳам фарзидир.

Қурбон Ҳайитининг яна бир фазилатидан бири нисобга эга мусулмонларга қурбонлик қилишларидир. Қурбонлик сўзининг ўзаги "қурбон", арабчадан таржима қилинганда "яқинлаштиш" деган маънони билдиради. Демак, ҳар бир қурбонлик қилувчи мусулмон киши, албатта, Аллоҳга яқин кишилардан.

Қурбонлик қилиш – "Аллоҳ таолога яқин бўлиш ниятида махсус вақтда, хос бир ҳайвонни сўйиш"дир. Қурбонлик қилинадиган "махсус вақт" дегани – Зулҳижжа ойининг ўнинчи (яъни, қурбон Ҳайити кунини), ўн биринчи ва ўн иккинчи кунларидир. Унинг охириги вақти Зулҳижжанинги ўн иккинчи кунини қуёш

ботиши билан ниҳоясига етади.

Азизлар, гувоҳи бўлганингиздек, биз ўтказаятган ушбу кунларда дуолар ижобат, амаллар мақбул, хайру эҳсон ва яхшиликлар самови зиёда бўлади. Шундай экан, фурсатни қўлдан бой бермай, яхши амалларга собит бўлайлик. Илоҳо, барча яхши амалларимиз даргоҳида қабул бўлсин!

Фурсатдан фойдаланиб, ўз номимдан, қолаверса, Ўзбекистон мусулмонлари идораси Фарғона вилояти вакилиги, устозлар, уламолар ҳамда барча имом-хатиблар номидан халқимизни ушбу мўътабар айём билан табриклимаман.

Барчамизга кириб келаётган муқаддас Қурбон Ҳайити байрами муборак бўлсин! Эзгу ишларимиз, интилишларимизда Аллоҳнинг Ўзи мададкор бўлсин!



## РАНГЛАР ОЛАМИГА САЙР



Фарғона вилояти тарихи ва маданияти давлат музейида Фарғона шахар 3-сонли Болалар мусиқа ва санъат мактаби тасвирий ва амалий санъат бўлими ўқитувчи ва ўқувчиларининг 2023-2024 ўқув йили якунига бағишланган "Ранглар оламига сайр" номли кўргазмаси очилди.

Кўргазмада муаллифларнинг Ватан, ота-она, табиатни улуғлаш, меҳр-муҳаббат туйғуси ғояларига асосланган 150 дан зиёд ижод намуналари ўрин олди. Бадний тасвирларнинг ҳар бири кўзни қувонтиради.

– Тасвирий санъат инсондан юксак дид ва нафосатни талаб этади. Ўқувчиларимиз шундай қобилият

билан турфа рангларда борлиқни, эзгу ғояларни, ўзларининг кўзлари билан кўрган турли хил манзараларни акс эттиришади, – дейди болалар мусиқа ва санъат мактаби ўқитувчиси Қизлархон Тусматов.

Кўргазмада ўқувчиларнинг ота-оналари ҳам иштирок этиб, ўғил-қизларининг кичик ютуғидан мамнун эканликларини айтишди. – Фарзандим чизган расмларини кўриб жудаюм қувондим. Тасвирий санъатнинг сир-у синаотларини шоғирдларига сабр билан ўргатаётган устозлардан миннатдоримиз, – дейди Одинахон Каримова.

Гулсал ЙўЛЧИБОВА.

## ЭНДИ ЮҚОРИ КУЧЛАНИШЛИ КАБЕЛЛАР ТОШЛОҚДА ИШЛАБ ЧИҚАРИЛАДИ



Ўзбекистондаги ислохотлар, айниқса, иқтисодий юксалиш халқаро молия ва рейтинг институтлари томонидан барқарор ҳамда тез ривожланаётган дея баҳоланмоқда. Бундай эътироф ортда мамлакатнинг барча ҳудудларида ялпи ички маҳсулот ишлаб чиқариш ҳажми кескин ўсганлиги, юзлаб янги қувватлар ишга туширилгани турибди.

Биргина Тошлоқ туманида 2023 йил якуни билан инвестиция дастури, sanoat, хизмат кўрсатиш, қишлоқ хўжалиги йўналишларида 1 триллион 485 миллиард сўмлик 130 та лойиҳалар ўзлаштирилди. Тўғридан-тўғри хорижий инвестиция ва кредитлар миқдори 96,2 миллион АҚШ долларига етди. Натيجада 134,2 миллион долларлик Тошлоқ туманида ишлаб чиқарилган маҳсулот экспорт қилинди.

Бу рақамлар қанчалар

қувончли бўлмасин, танганинг иккинчи томони ҳам бор эди. Янги ишга туширилган ишлаб чиқариш қувватларига электр энергияси керак. Электр қувватларини етказиш учун эса эшими йўғон, усти полиэтилендан қобикланган турли кесимдаги кабеллар зарур.

Бундан бир неча йил аввал жуда катта миқдорда электр қуввати истеъмол қилувчи йирик корхоналар АВГ – 240 кабелни олиш учун Тошкент ва Хонобод кабел заводларида ойнаб навбат кутганлар. Бугун эса бу кабеллар Фарғона вилоятининг Тошлоқ тумани-

даги кичик sanoat зонасида маҳаллий тадбиркорлар томонидан ишлаб чиқарилмоқда.

Ҳа, шубҳаланманг, туманинг "Тараққиёт" кичик sanoat зонасида ўнлаб корхоналар қаторида улкан кабел заводи шу йил курилиб, фойдаланишга топширилди. Бу ерда кесими турли ўлчамдаги электр симларидан юқори кучланишли электр қувватларини "таший" оладиган, ҳатто эшими 37 қаватгача бўлган сим ва кабеллар ишлаб чиқариш йўлга қўйилди.

– Узоқ йиллардан буён кабел чиқаришни ўйлаб юрар эдим, – дейди "Farkabel" корхонаси таъсисчиси Султонали Тоҳиров. – Президентимиз сўмининг хорижий валютага конвертациясини очиб беришлари менга туртки бўлди.

Султонали гапнинг шартаксини айтди-қўйди. Сабаби, у кабел заводи кураман, мамлакат эҳтиёжини қондирадиган даражада импорт ўрнини босувчи турфа хил кабеллар ишлаб чиқарман дея технология сотиб олишга ўз маблағини валютага айлантира олмай кўп сарсон бўлган экан. Ниҳоят, эркин конвертация очилди-ю, тадбиркорларнинг гўё "қўли ечилди".

– Корхонамизга 13 миллион АҚШ долларини инвестиция киритдик. Бу дастохлар Хитой, Туркия, Россия ва Европа давлатларидан олиб келинган, – дейди тадбиркор.

"Farkabel"да барча ишлар компьютер орқали бажарилади. Бу ерда жами 30 нафар ишчи-мутахассис бўлиб, улар ҳам асосан назоратчи. Маҳсулот ҳозирча юз фоз буюртма асосида ишлаб чиқариляпти. Исталган кесимдаги электр симлари, изоляцияланган кабеллар, 7 қаватлидан то 37 қаватлигача эшма сим, 7 қаватлигача изоляцияланган эшма кабеллар... хуллас, сиз буюрасиз, тошлоқлик еш мутахассислар қисқа муддатда уни ишлаб чиқариб, ҳатто манзилнингизгача юклаб жўнатадилар.

– Корхонамизда 100 хилга яқин кабел маҳсулотлари ишлаб чиқарилмоқда. Аввал Ўзбекистоннинг ички бозорини таъминласак, кейин экспортга чиқарамиз, – дейди Султонали Тоҳиров. – Қўшни давлатлар Россия ва Афғонистонга маҳсулотни экспорт қилиш юзасидан иш олиб бораёмиз.

Муҳаммадjon ОБИДОВ.  
Элёр ОЛИМОВ олган суратлар.



## ЭНГ КАМ ПЕНСИЯ ВА НАФАҚАЛАР МИНИМАЛ ИСТЕЪМОЛ ХАРАЖАТЛАРИ МИҚДОРИГА ЕТДИ

Жорий йил 30 апрелдаги "Ўзбекистон Республикаси Президентининг айрим фармонларига ўзгартиришлар киритиш тўғрисида"ги Фармонига кўра, 1 майдан пенсия ва нафақаларнинг энг кам миқдорлари оширилди.

Мазкур фармоннинг амалиётга татбиқ этилиши, том маънода, нафақа ёшидаги кам даромадли аҳолининг ижтимоий ҳимояси мустаҳкамланишига замин яратди.

Ўзбекистон Республикаси Конституциясига асосан, қонунда белгиланган пенсиялар, нафақалар ва бошқа турдаги ижтимоий ёрдамнинг миқдорлари расман белгиланган энг кам истеъмол харажатларидан оз бўлиши мумкин эмас.

Пенсия ва нафақаларнинг энг кам миқдорлари Ўзбекистон Республикаси Президенти ҳузуридаги Статистика агентлигининг шу йил 30 апрелдаги аҳолининг энг кам истеъмол харажатлари янгилашгани ҳақидаги эълони муносабати билан оширилди.

Камбағаллик чегарасини аниқлаш учун фойдаланиладиган кўрсаткич 4,3 фозига – бир ойга киши бошига 621 минг сўмдан 648 минг сўмгача (қунига 20,7 минг сўмдан 21,6 минг сўмгача) кўпайди.

Боқувчисини йўқотганлик нафақаси олувчиларнинг бир нафар меҳнатга қобилиятсиз оила аъзоси учун нафақанинг энг кам миқдори ҳам кейинги ҳар бир

меҳнатга қобилиятсиз оила аъзоси учун амалдаги тартибга мувофиқ пенсия тўлаш билан 621 минг сўмдан 648 минг сўмга ўзгарди.

Бундан ташқари, иш стажы тўлиқсиз чоғдаги ёшга доир пенсиялар, ёшга доир нафақалар, шунингдек, ўзгалар парварошига муҳтож ногиронлиги бўлган 18 ёшгача болаларнинг парвароши билан банд бўлган боланинг қонуний вакилига бериладиган (парварошланиш) нафақаси, "Ижтимоий ҳимоя ягона реестри" ахборот тизими орқали болалар нафақаси ва моддий ёрдам тайинлашда оила даромади мезони сифатида минимал истеъмол харажатларининг янги суммаси ҳам ойига 648 минг сўм этиб белгиланди.

Ижобий ўзгаришлар натижасида юртимиздаги 1061 минг нафар энг кам пенсия ва нафақа олувчи фуқароларнинг пенсия ва нафақалари минимал истеъмол харажатлари миқдорига тенглашди. Бу каби ислохотлар юртимизда инсон ва унинг манфаатлари олий қадрият эканига яна бир далилдир.

Миржалол МАШРАПОВ,  
Учкўприк тумани "Инсон" ижтимоий хизматлар марказининг маҳалларда ижтимоий хизматларни ташкил этиш шўъбаси мудири.

## ҚИСҚАРТИРИШГА ТУШГАН ХОДИМЛАРНИНГ ҲУҚУҚЛАРИ КАФОЛАТЛАНГАН

**САВОЛ:** – Қонунчилик бўйича қисқартириш (сокращение)га тушган ходимлар иш жойида қандай ҳуқуқларга эга бўлади?

**ЖАВОБ:** – Меҳнат қонунчилиги бўйича қисқартиришга тушган ходим иш беришчи томонидан 2 ой олдин огоҳлантирилиши лозим бўлади. Яъни, Ўзбекистон Республикасининг Меҳнат кодекси 165-моддаси 1-қисмига асосан, технологиянинг, ишлаб чиқариш ва меҳнатни ташкил этишнинг ўзгаришига, ишлар (маҳсулот, хизматлар) ҳажмининг қисқаришига боғлиқ бўлган ташкилот ходимларининг сони ёки штати ўзгарганлиги муносабати билан меҳнат шартномаси бекор қилинаётгани иш беришчи томонидан ходим 2 ой олдин огоҳлантириш мажбурияти нолади.

Иккинчидан, ходимга огоҳлантириш муддати ичида бошқа иш қидириш учун ҳафтада камида бир кун шу вақт учун иш ҳақи сақланган ҳолда ишга чиқмаслик ҳуқуқи берилади.

Учинчидан, қисқартиришга тушган ходим иш беришчи томонидан тақлиф қилинган бошқа ишда ишлаш ҳуқуқига эга бўлади. Меҳнат кодекси 144-моддаси 1-қисмига асосан, агар меҳнат шартномасида белгиланган меҳнат вазифи доир ишни холисона сабабларга кўра давом эттириш имкони бўлмаса, иш беришчи томонидан меҳнат шартномаси бекор қилинган мувофиқ келадиган бошқа ишга ўтказишни, бундай иш бўлмаган тақдирда эса иш беришчида мавжуд бўлган бошқа ишни тақлиф этиши шарт.

Ходим билан тузилган меҳнат шартномаси Меҳнат

кодекси 143-моддасининг иккинчи қисмида, 161-моддаси иккинчи қисмининг 2 ва 3-бандларида назарда тутилган асосларга кўра бекор қилинган тақдирда, ушбу модданинг биринчи қисмида назарда тутилган мажбурияти иш беришчининг зиммасига юклатилади.

Тўртинчидан, қисқартиришга тушган ходимнинг ўртача ойлик иш ҳақи иш қидириш даврида сақланган қолғини кафолатланади. Яъни, Меҳнат кодекси 100-моддасига асосан, меҳнат шартномаси технологиянинг, ишлаб чиқариш ва меҳнатни ташкил этишнинг ўзгариши сабабли ташкилот ходимларининг сони ёки штати ўзгарганлиги, ишлар (маҳсулот, хизматлар) ҳажмининг қисқарганлиги бўйича бекор қилинган тақдирда, иш қидириш даврида ўртача ойлик иш ҳақининг ишдан бўшатилиш нафақаси ҳисобга олинган ҳолда, бироқ кўпи билан икки ойга сақланиб қолиши ходимлар учун кафолатланади.

Бешинчидан, меҳнат шартномаси бекор қилинганидан сўнг ҳам учинчи ойлигини олиш ҳуқуқига эга бўлади. Яъни, Меҳнат кодексининг 100-моддасига асосан, ушбу модданинг биринчи ва иккинчи қисмларида кўрсатилган ходимлар меҳнат шартномаси бекор қилинганидан кейин ўттиз календарь кун ичида маҳаллий меҳнат органида иш қидираётган шахслар сифатида рўйхатдан ўтган бўлса, улар маҳаллий меҳнат органи томонидан берилган маълумотнома бўйича учинчи ой учун ҳам аввалги иш жойидан ўртача ойлик иш ҳақини олиш ҳуқуқига эга бўлади.

Х.ЙЎЛДОШЕВ,  
Қўштепа тумани камбағалликни қисқартириш ва бандликка кўмаклашиш бўлими меҳнат ҳуқуқ инспектори.

И.ОЛИМОВ,  
туман адлия бўлими юридик хизмат кўрсатиш маркази бош юрисконсулти.





Муҳаммаджон ОБИДОВ



(Саргузашт-воқеий қисса)

## «Кусто ороли»да

Қорин тўйиб ғам кетди. Ташқарига чиқсам, ҳалиги болали аёл хув нарида бизнинг чодир томон кўз тикиб ўтирган экан. У энди ёлғиз эди. Мени кўрди-ю, югуриб олдимга келди ва қўлимга пўстлоқ толасидан эшилган арқон тутқазди, кейин қувлашмачоқ ўйнаётган қизалоқдек қиқирлаб кулганича, қочиб кетди. Кулгуси самимийлигидан ҳар қандай эркакни эритиб юборарди. У менга миннатдорчилигини билдирмоқчи бўлди. Эмизикли боласи бўлса-да, келишган қомати, ярим яланғоч танасини кўриб уялиб кетдим.

Қизиқ, нега у менга арқон совға қилди? Арқон ниманинг тимсоли экан, бу гўшада?

Эътибор қилмаган эканман. Синчиклаб қарасам, барча эркаклар белида арқон боғланган. Мен ҳам шоша-пиша арқонни шорт устидан бир учини осилтириб бойлаб олдим. Шу лаҳза устимдаги энги калта кўйлакни ҳам ечиб отдим. Негадир улларга ўхшагим келди. Яшириб нима қиламан. "Ҳадианг менга маъқул бўлди!" десам, аёлнинг боши осмонга етар ахир?

Ўйга толиб ўтирсам, Хусаннинг тўтиси "пирр" этиб учиб келиб елкамга кўнди. Жонивор мени таниб қолган. Денгиз соҳилида унга ҳам она ватанимизнинг давлат тилидан икки-уч сўзни ўргатганман.

"Сар-вар, сай-ёх, Ху-сан, дур-рак", такрорларди у доим. Хусан тўти унинг янги исмини айтганига хурсанд, лекин иккинчи сўз маъносини билмасди. Мен эса мириқиб-мириқиб кулардим. Бир гал тўти адаштириб юбордим, "Сар-вар, дур-рак", деса бўладими? Кулавериб, ичгим узилди деди.

– Ҳали кўрасан, сени олиб кетиб кучугимга бераман, – дедим пўписи

(Давоми. Боши аввалги сонларда).

қилиб. Шундай дедим, уйим, хотиним, бўлажак кувё бола, садоқатли кучугим ёдимга тушди. Нима қилишяпти экан? Кучугим оч қолмаяптимики? Ҳойнаҳой хотин тўй таралдуида бўлса керак. Ишхонам-чи? Мени эслашдимикан? Қаёқда, бош муҳарриримиз мени унчалик хуш кўрмайди. Сафарда эканимда бирон марта бўлса-да уйим, оиламдан ҳол сўраб бормагани аниқ. Унинг бор-йўқ ташвиш обунани кўпайтиришу, реклама излаш. Ходимларга шу нуқтаи назардан баҳо беради. Мен эса обунага ҳам, рекламага ҳам аралашмайман. Ахир мен журналистман! Э, буни тушунармиди у... шу хил ўйларга андармон бўлиб, кеч кирганини сезмай қолибман.

Оролда бўлган кунларим айрим саволларимга мутлақо жавоб топа олмадим. Масалан, ороликлар асосан тананинг пастки қисмини дарахт барглари билан тўсадилар. Бундай ҳолат ўн минглаб йиллар илгари бўлган, деб ёзади олимлар. Лекин нега ҳозирга келиб инсоният мато ишлаб чиқаришни ихтиро қилган замонда ундан фойдаланмайдилар? Қолаверса, дарахт барглари мўрт ва у гарчи салқинда сўлдириб, кейин эшма ипга ўтказилса-да, тез яроқсиз ҳолга келади. Икки-уч кунда бундай "кийим" алмаштирилиши керак. Йўқ, ороликлар катта ердан келган меҳмонлар совға қилган матолардан фойдаланмай келадилар.

Никоҳ, ирсият масаласи ҳам қизиқ. Қабилдаги мингга яқин одамларнинг барчаси бир-бирига қариндош, қондош. Улар ўзаро оила курадилар, фарзанд кўради, кейинчалик улғайганида болалари ҳам шу қабил доирасида яна оила куради... Хусаннинг айтишича, ҳатто оролдаги айрилиб чиққан иккинчи қабил аъзолари билан "қудданчилик" қилишмайди. Генетикага

10 кун

бағишланган илмий асарларда қон алмасмаслиги бора-бора наслини заифлаштиради ва провардида тугатилишига олиб келади, деб ёзилган. Лекин оролда ундай эмас. Минг йиллар яшаётган қабил қони бирлашиб кетган, аммо олимлар ёзганидек одамлари, ирсиятда заифлик сезилмайди. Тўғри, буйлари баланд эмас, аммо ҳатто аёллари кушларнинг ёқимли сайроғи элас-элас бўлса-да, эшитилиб туради. Ййлов ўтлари ёқими шабодода оҳиста тебраниб шивирлайди.

Осмондаги ой шуъласида ўрмон ва дарё ораллиғидаги чодиркишлоқ шу қадақ гўзал манзара ҳосил қилганки, қани эди рассом бўлсам, мойбўёқда уни чизиб, сизга тақдим этсам. Ёки агар шоирлик қобилиятим бўлганидами, ҳолатни тасвирлаб ёзган шеърим энг оммабон кўшиқ бўлиб кетарди-ёв! Мен эса кўриб роҳатланаман холос... Шундай ўй билан икки қўлимни бошимга қўйиб, чодир ва дарё ўртасидаги яланга чўзилдим. Осмоннинг кенглигини қаранг. Тун қўйида ярақлаб турган ой, бодрокдек сачраган юлдузлар намуна чиройли бўлмаса-а! Ой ўша-ўша. Юлдузлар ҳам. Аммо уларнинг

Кейинчалик ўзбек гематологлари бу ирсият туфайли деган хулоса билан чиққанлар. Аммо... тақрибан шунча аҳоли яшайдиган орол одамларида бундай белгилар кузатилмасди.

Бугун ҳеч ухлай олмадим. Ўзимни у ёнга, бу ёнга ташлаб кўрдим. Лекин ором толмадим. Хусан уйғониб кетмасин дея аста чодирдан чиқдим. Табиат нақадар гўзал-а! Ўрмондан кушларнинг ёқимли сайроғи элас-элас бўлса-да, эшитилиб туради. Ййлов ўтлари ёқими шабодода оҳиста тебраниб шивирлайди. Осмондаги ой шуъласида ўрмон ва дарё ораллиғидаги чодиркишлоқ шу қадақ гўзал манзара ҳосил қилганки, қани эди рассом бўлсам, мойбўёқда уни чизиб, сизга тақдим этсам. Ёки агар шоирлик қобилиятим бўлганидами, ҳолатни тасвирлаб ёзган шеърим энг оммабон кўшиқ бўлиб кетарди-ёв! Мен эса кўриб роҳатланаман холос...

Шундай ўй билан икки қўлимни бошимга қўйиб, чодир ва дарё ўртасидаги яланга чўзилдим. Осмоннинг кенглигини қаранг. Тун қўйида ярақлаб турган ой, бодрокдек сачраган юлдузлар намуна чиройли бўлмаса-а! Ой ўша-ўша. Юлдузлар ҳам. Аммо уларнинг

Юлдузлар ҳам. Аммо уларнинг

жойлашуви бир оз ўзгаргандек. Етти оғайни чапда эди, энди ўнгда кўринаяпти. Зухро юлдуз-чи? Эҳ, сента не-не олимму фузалло, шоиру ошқилар таъриф бермаган. Сен юлдузлар гўзалсан. Сендан таралган ёрқин нур термулган одамнинг қалбига сингийди.

Қизиқ! Жуда қизиқ! Ой, юлдузлар, ҳатто кўёш, чексиз осмон битта. Уларни уйимиз ҳовлисидаги сўрида ётиб ҳам неча бор кузатганман. Тошкент оқшомида, анҳор буйлаб сайр қилиб йўлакча ўриндиқларида соатлаб томоша қилганман сени. Шри-Ланкага келган куним нам ҳавога кўниқолмай меҳмонхонадан чиқдим, яна сенинг чексиз бағринга чўдим, осмонжон. Мана энди уйим, Тошкентим, ҳатто Шри-Ланкадан ҳам узоқда, Кусто келолмаган ярим яланғоч одамлар яшайдиган оролдаман. Лекин осмон бирдек. Ой ўша-ўша. Юлдузлар булутлар қарвонидан мўралаши ҳам ўша.

Ҳа, айтгандек, булутлар-чи? Улар гоҳ ҳар ён, ҳар ёнга тўпланади, гоҳ бирлашади, яна ажрашади, қуюқлашади ва сийрақлашади. Жаҳли чиққанида хўмрайганидан қорайиб кетади ва йиғлай бошлайди... улар ҳам ўша-ўша. Аммо, нега одамлар ҳар хил. Бири оқ, бири буғдойранг, бири эса оролдаги қабил қон-қора. Танаси ҳар хил бўлса-ку майли-я, мурод мақсади, нияти, кўнгли ҳам турфа хил. Кимдир саховатли, ўзга учун жонини берай дейди, бошқаси эса қотил. Дунёда оққўнғил одамларни кўп учратдим. Лекин ҳасадгўй, ғараз ва нафратдан жиганак бўлиб кетганлар қанча! Нега шундай?! Ахир ҳаммамиз бир осмон, бир ой-у, бир кўёш остида яшаймизку! Ахир ҳаммамиз бир осмон, бир ой-у, бир кўёш остида яшаймизку! Битта Зухро юлдузига термулиб завқланамиз-ку! Лекин ҳаммамиз ҳар хилмиз. Яхшиликимизни жуда кам таҳлил қиламиз. Аммо инсондаги ёмонликларга худо шундай яратган дея ёрлик осамиз. Йўқ ёмон ният, ёмон хулқ, ёмон амалга худонинг дахли йўқ. Булар ҳаммаси илмисизлик, табиатни ҳис қилмаслик, эътиқодсизликдан эмасми?

Ўрмондаги қуриётган дарахт танасини кўртдан тозалаб, унга қайта жон ато қил дея қояга илтижо қилаётган ярим яланғоч оролик мусулмон бўлмаса-да, худонинг бандаси.

Вилоятда амал курсисига мингач,

(Давоми газетанинг келгуси сонларида).

ТОШГА АЙЛАНГАН  
ИЛОҲЛАР  
“ЗИЁРАТИ”ДА

Инсон эътиқодсиз яшай олмайди. Худди шунингдек унга қувончини ҳам, дарду муаммосини ҳам тўкиб соладиган эътиқод пешвоси керак. Лекин мен ҳар тарафдан океан сувлари ўраган, ҳатто харитада ҳам акс этмаган оролинг ўз пешвоси бор, деб ўйламагандим. Худо деб кўёшга сиғинадилар. Аммо уларнинг расмий ибора билан айтганда – шамам, жайдарисича пешволари қабил бошлиғидан кейинги таъсир кучига эга одам экан. Ўтган қисқа вақт ичида уни икки-уч бор кўрдим, кузатдим. Бир гал эрта тонгда юз-қўллари, танасига турли бўёқлар чаплаган, бошида турли думидан чамбарак шаклида терилган тамирчоғи, қўлида менимча темирёғочдан ишланган ҳассаси бўлган яланғоч, ярим яланғоч, кўзлари бўртиб чиққаниданми, бир қарашдаёқ кўнглига кўркув соладиган шамам кўёшнинг шафақлиниб тунни кунга улаётган нурларига қараб, ғайриоддий ҳаракатлар билан рақсга тушарди. Кейинги гал майдон ўртасига бир аёлни ётқизиб қўйиб, хивич билан савалади. Нохуш овоз чиқариб, дарё ва ўрмон ортидаги тоғ қоясига қараб қўлларини қайта-қайта силтади. Хусаннинг айтишича, у бемор танасидан жинларни қувиб чиқарган ва қояда тошга айланиб қолган авлиёлардан нажот сўраган.

(Давоми газетанинг келгуси сонларида).

ЎЗБЕКИСТОН МУСУЛМОНЛАРИ ИДОРАСИ  
ФАРҒОНА ВИЛОЯТ ВАКИЛЛИГИ

Вилоятимиз аҳлини, ҳурматли уламоларимиз, имом-хатибларимиз ва Ватанимизнинг барча мўмин-муслмонларини ислом уммати томонидан кенг нишонланаётган азизу мукаррам айём – Қурбон ҳайити билан самимий муборакбод этади.

Амаллар мақбул, дуолар ижобат бўладиган баракотли, қутлуғ кунларда Сизларга ва оила аъзоларингизга энг олий неъмат – соғлиқ-саломатлик, тинчлик-хотиржамлик, бахт-саодат тилаймиз.

Фидойи, элу юртим деб яшаб, меҳнат қилаётган азиз халқимизнинг ушбу мўътабар кунларда қилган барча эзгу ният ва дуолари ижобат бўлсин. Маккаю Мадинада Ҳаж амалларини мукаммал адо этаётган, Ватанимиз ва халқимиз саодати учун дуода бўлган мухтарам ҳожиларимизга соғ-саломат юртимизга қайтиб келиш насибу рўз айлсин!

Жондан азиз Ватанимизни, азиз халқимизни Яратганнинг ўзи паноҳида асрасин!

ИЙД-ҚУРБОН  
БАРЧАМИЗГА  
ҚУТЛУҒ БЎЛСИН!

МУАССИС: "Farg'ona haqiqati" va "Ferganskaya pravda" gazetalarini tahririyati	2021 йил 18 августда Ўзбекистон Республикаси Президентининг Администрацияси ҳузуридаги Ахборот ва оммавий коммуникациялар агентлиги Фарғона вилояти ҳудудий бошқармасида 12-001 рақами билан рўйхатдан ўтган.	Газета "Полиграф-пресс" МЧЖ босмахонасида тахририятнинг оригинал макети асосида офсет усулида А-2 формат (4 саҳифа)да 2298 нусхада чоп этилди. Буюртма: 387.	Бизнинг манзил: 150114, Фарғона шаҳар, Соҳибқирон Темуралиев кўчаси, 28-уй. Бош муҳаррир қабулхонаси: (факс) 73 226-02-70. Реклама ва эълонлар: 73 226-71-24.
Бош муҳаррир: Рустам ОРИПОВ	Газета жума кунни чиқади.	★ Баҳоси келишилган нархда. ★ Навбатчи муҳаррир: Маҳиёра Бойбобоева.	Саҳифаловчи: Дostonбек Холматов. Босишга топшириш вақти: 18.00. Топшириш вақти: 16.30.